

樂善堂全集

孫子
藏書
記家

和16
231
8



門八初6
231
卷8

樂善堂全集定本卷之十六

古體詩

長春

華秋實催年改繁卉辭條想弱蕾駐春惟
有月季花點綴四時勝剪綵綠葉雜間深淺
紅亞盆巧笑凌東風不笑東風放花色惟笑
東風吹不得

二月十一日晚烹雪水偶成

仲春湯天飛瑞雪不異甘霖及時節預卜二

古體詩



麥兆豐收田夫村叟咸懽悅吾曹此樂正有
餘清興更與尋常別呼僮藉蓆為收取滿貯
磁缸水甘冽晚來活火事煎烹一甌香乳看
清絕自啜自省沁詩脾銀蘭焰長光明滅因
思上蒼霏瓊竇祗緣大地春方茁如何吾曹
擅妄取但為口腹供飲啜復思此法古有之
清味不須和梅齧吾曹所飲能幾何萬物資
生亦不缺竹爐茗椀相周旋哦詩夜半寒更
徹

春蔬

春融地氣如膏滑一畦煙甲隨雷發檐前小
鳥喚春眠裊露攜籃勤采掇早韭初菘紛列
盤清芬細嚼冰齒寒淡泊有味取次領旦晚
為爾還加餐君不見一食千金丞相府猶說
區區難下箸

雨前茶

穀雨前春雷後色染鷲黃新上柳攜籠男婦
谿山走爭試採茶三昧手日烘山腰暖碧雲

續書堂全集卷之六
卷十六
槍旗半吐搖酣春賣與商人博衣食徒勞曾
未沾其唇伊余品泉逸與賒啜罷還憶貧民
家新絲新穀都已賣即今又賣新芽茶

古意

好花早萎謝佳人半顛顛天非惜雨露尤物
人所忌寶鈿羞黃金傳粉奪珠翠清曉臨荷
池脉脉含愁思上開並蒂蓮下有雙鴛睡繁
英且耐時接翅緣同類一朝秋風淒中路還
乖異物理有如此那得長相萃惆悵倚朱欄

旁人詎解意

寧為山下草不為山上松雨露苟及時榮長
爭茸茸憶昔當結禱原以託始終如何顏色
改棄置等飄蓬青樓繫玉駿二八桃李容君
脫紫錦裘貫酒擊歌鐘不念貧賤時以我曾

禦窮

灼灼海棠花闕闕黃鶯兒綵袖倚闌干
灼灼海棠花闕闕黃鶯兒綵袖倚闌干
芳菲枝芳菲豈常住况復鶯語遲離愁已若
此會合應無期素手援龍梭織成迴文詞迴

樂善堂全書定本 卷十六
文有斷絕此恨無已時

綿綿洛陽道道旁何所有多見送行人悲歌
折楊柳楊柳折不盡絡繹驅車走願為路上
塵逐君馬蹄後君行求富貴金印大如斗還
恐宦途艱榮華不可久何如早歸來與君長
相守

樓松即偃蓋松也見抱朴子

盤山之側雙株松擎空森竦翠色濃落落不
改四時色蕭蕭獨韻三秋風幾年驅車薊州

路摩挲古幹不能去高聳浮圖帶野煙平飛
畫棟凌雲霧品題曾記抱朴子樓松鬱鬱差
相似梢振寒聲捲浪濤根蟠巨石登階死當
時銅雀已成塵此樓獨占千年春婀娜何曾
貯歌舞幽秘或可棲仙人可憐路旁桃李枝
陽和發育爭參差西風搖落無顏色空令獨
樹含清悲安得韋偃寫直幹倩伊圖入鷺溪
絹掛壁涼颼鎮日秋坐卧青雲眄銀漢

王叔明山水圖

吳興王叟風流客愛向生絹寫丹碧畫家六
 法占高科氣韻生動神奕奕粉墨慘淡費經
 營懸之高堂滿秋色冑中印壑鬱盤礴安排
 三遠畫家有高遠深遠平遠之說無形迹主峯聳峙客峰
 赴山帶溪流相絡繹溪邊釣艇任風斜溪上
 人家隱竹柏仰睇高渺若無路梵宮忽向青
 冥闢千尋石壁掛瀑布匹練遙空瀉飛白盤
 擎撐突老松枝三面畫法石面還看多怪石筆
 思縱橫奪化工恍惚煙雲生几席摩詰風流

難再續此圖珍重等球璧

大理石林歌

皚皚雪質排雲黑葆光含潤如球璧來從滇
 南萬里遥量度長材越數尺良工琢磨成匡
 牀紫檀為架文錦席天然山水石紋間倪黃
 手蹟橫空碧窈窕洞壑藏神仙瀑布飛流掛
 松柏峯巒層沓雲氣深灘頭溪尾相連繹坐
 中恍惚秋風生何必買山娛泉石

春暮西廠騎射

離離紫陌花萼萼暮春天
紛紛一以萎綠楊
全鎖煙可惜流鶯語
驚起曉窓眠秣我青驪
駒策我珊瑚鞭乘興聯騎去
晴郊草芊芊馳射平原中
隨意娛芳年君看女夷功
三月韶華鮮九十彈指過
有似箭離弦何如無心者
萬物任其然榮華何繫戀
風過百花穿維時日西下
歸鞍三五聯有客興春緒
中懷淒以牽勸君莫傷春
四時相代遷與君消惆悵
淪茗烹山泉即此目前景
可味南華篇

移碧桃

園中碧桃樹滋生隨處有
日久未剪治叢條
覺漸醜遊賞寂無人
隱榮山之後嗟哉繁華
姿棄置誰之咎幽齋一日間
呼僮荷畚走叢者去其雜
隱者出諸藪移植小池前
間以垂絲柳三月花盛開
殷紅暎紗牖桃兮不徒榮
報我亦已厚我既悟此理
願告灌園叟良材莫使淪
嗟爾能聽否

高其佩指頭畫虎

鐵嶺老人聞李流畫不用筆用指頭縱橫揮
灑饒竒趣晚年手法彌警適為吾染指畫蒼
虎氣橫幽壑寒颼颼落墨伊始雅雀避著色
欲罷豺狼愁怒似蒼鷹厲拳爪炯然霹靂凝
雙眸萬里平川望無極三株古柏擎龍虬老
人閱世如雲浮獨於畫法未肯休此圖贈我
實手蹟筆繪還輸第二籌高堂畫靜風生壁
却憶行圍塞北秋

水竹村

清溪左右環綠玉參差繞悠然水竹村迥絕
塵氛擾細籟韻琅玕月鑑澄光皎中有靜觀
人託興何幽渺春漲起平波小園發新篠可
以釣修鱗時或集佳鳥披書綠窓陰得句蕭
齋曉訪客過溪邊回望叢篁杳

有鳥二十章

孔子教小子曰詩可以興又曰多識
於鳥獸草木之名鳥獸草木中觸吾
性情有興機焉若徒追琢字句強裁

聲韻鳥可與言詩哉唐元微之作有
鳥二十章備載鴟鴞老鳥諸惡鳥之
可憎雖疾世之憤辭然不失三百詩
人之旨余讀而慕之倣其體亦成二
十章所詠者皆鳳皇鷓鴣諸名禽微
之以刺而示戒余以美而示勸其有
助於性情一也至於風格之高錘鍊
之雅余固未能及古人觀者取其意
而畧其辭焉

有鳥有鳥百鳥王雄為鳳兮雌為皇朝棲崑
圃飲玉露夕宿蓬島餐琳琅九苞六德耀文
明恢恢天宇恣翱翔厥惟聖人修至德來巢
阿閣呈嘉祥萬萬吉士馳王路千秋萬載邦
家光

有鳥有鳥名朱鷺波靜昆明常顧步漢鼓曾
標樂府聲周舞亦載詩人賦振振有序羽翻
聯和鳴未許雜孤鷺玉筍班中識爾名由來
博得人人慕

有鳥有鳥雙鴛鴦接翼交頸遊方塘共宿蘭
沼何容與同飛鏡浦相迴翔若有人兮翠袖
裳思夫君兮天一方春朝步兮春池旁覩佳
禽兮增慨慷

有鳥有鳥在水滸飛鳴行搖如相語如相語
相急難相急難兮食不安遠羅網兮泛清瀾
啄蘆頭兮心共閒君不見悌有鵲鴿孝有鳥
人稟秀靈如不如

有鳥有鳥聲緜蠻遷喬求友出谷間楚楚金

衣綠陰裏諧鳴玉管叫春闌高齋日午簾幙
悄側耳徐聽音未了生平不少素心人關山
迢遞予懷渺

有鳥有鳥曰靈鵲羽族本天似先覺但不告
憂惟告樂惠迪則吉宜忖度憑茲作喜易舛
錯鳥智人愚非見譴

有鳥有鳥名布穀高喚枝頭村柳綠村老聞
聲急荷鋤趁時耕作還相勗東鄰西舍催耕
遍嗾吻苦乾飲水曲不似籠中雙畫眉巧言

但博主人肉

有鳥有鳥枝上啼啼聲風送到深閨聲聲催
織當春日織女聽罷顰雙眉飽蠶方作繭那
易成新絲新絲還要賣匹帛安可期我願拖
綾曳錦者常念茹簷忍凍時

有鳥有鳥如輕舟毛衣皓潔名沙鷗穩宿洞
庭秋夜月間泛瀟湘煙水流將雛命侶頗自
得對爾還似逍遙遊

有鳥有鳥名鴻雁秋去春來期不變成羣飲

宿向沙洲蘆葦蕭騷波瀲灩古人重爾信義
敦嘉禮親迎用致奠如何世人轉不如糟糠
富貴分欣厭

有鳥有鳥雉將雛雛兒聲溢學母呼壠上風
搖麥浪綠引雛拾蟲却相逐大堤年少挾金
丸見雉此意不肯彈彈雉雛兒誰為哺彈雛
却憐雉心寒收弓擲丸不復看

有鳥有鳥慈烏鴉飛集庭樹聲啞啞聲啞啞
引其雛羽毛翩翩尾畢逋尾畢逋雛亦長鳥

老更借其雛養母為慈兮子為孝禽鳥亦識
人之道

有鳥有鳥清秋隼獨韻金風利爪吻勁氣猙
獰似駿駘眼疾身輕雙翅斂晴舉一下萬山
青孤兔燕雀藏伏盡

有鳥有鳥名黃鵠軒軒霞舉超凡俗矯翩翩
矚來玉京却向太液池邊浴隨仙去後空餘
樓入琴彈罷猶思曲冥冥灝氣恣翱翔引我
欲窮千里目

有鳥有鳥雲錦文巴山靈禽夙所聞的的彩
色映日麗煌煌繪羽翻風新奇姿濛耀欺凡
鳥雕籠飲啄為君老却勝埒頭村雞鳴瘦立
風霜報天曉

有鳥有鳥呈符瑞援毫作歌紀其事伊昔明
皇即位初貝州飛蝗害苗穗乃有白鳥凡數
千一一喙啄蝗盡斃當時姚宋作相公調和
變理稱郅治開元天寶易治亂玉妃擅寵昭
陽殿祿山食人如食禾嗟此蝗兮可若何安

得白鳥大如蓋食此蝗兮安內外

有鳥有鳥志不移
啣石填海無已時
海却何時滿石亦何時斷
但見羽毛秃兀爪喙疲
咄哉汝鳥尚有志人而無志鳥所嗤

有鳥有鳥雙白鷗
清秋玉立菰蒲灘
踏波緩舞藻文動澄流
照影翩翩珊珊性情高潔如其色
自首至尾無點黑俗眼欲看看不得

有鳥有鳥金翠斑
厥名孔雀產巴山
產巴山來帝里屏張藻耀文明起
羽儀為國獻嘉祥

不甘戢翼巖阿裏

有鳥有鳥雲間鶴
萬年枝上欣所託
勁羽梳風意態孤
清聲韻月響深壑
常伴仙家丹鼎煙
不慮虞人施矰繳
有時灑翮一高飛
迢迢天路翔寥廓

采松花

綠蘚遍松陰
松花帖蘚落嫩黃
映深碧清香入簾箔
我持碧筠筐采采盈筐著
服食為清心非欲驂元鶴

新漲

雨餘眄蘭沼泛瀨新波漲碧吐
感羅紋紅荷搖翠浪新浴鷗鷺
羣沙嶼遙相望我欲置扁舟
鼓柁空明上

讀蘇子瞻題司馬君實獨樂園詩即用

原韻

插架萬卷書隨手自拈下披覽
結遐心似遊霄霏野當時獨樂園
温公開樽斝清吟薄雲天曠談
述虞夏洛中九老人來往涉風雅
事

同東山遊跡非白蓮社東坡生
花筆自是天假者題詩盤硬語
曲高和者寡獨樂悅性情衆樂
看陶冶惟公入朝時衛卒擁其
馬惟公入園時一切浮榮捨蕭
然物外遊不似歌渥赭猗歟
匡濟才閒情寄嘔啞

觀刈麥

麥苗入夏結穗黃東隴西隴
碩且長老農此日走田忙腰
鑷遍割樂歲穰笑看黃雲各
成片密莖随手行行亂肩挑
背負晒檐頭饘粥

有餘他不羨呼兒莫逐飛來雀
令渠亦識收成樂

雨後聽溪聲

流雲猶在青天上
霽景澄鮮風蕩漾
因風泛起是何聲
但見溪頭新水漲
溪流宛轉繞芳堤
采采蘩葭覆水齊
宿潤全滋菡萏色
新晴不斷鷓鴣啼
鷓鴣啼處煙波繞
直瀉流泉鳴未了
泱泱長疑珮響搖
潺潺低咽琴聲悄
耳根塵雜苦旬轟
入聽從教洗滌清
我非智者亦樂水
幽情逸韵相交并
幾度臨流閒徙倚
風力漸停溪漲止
莫謂溪聲斷續殊
動靜循環理若此

熱

連朝祝融氣正作
碧落無風雲脚破
揮扇招涼涼不來
匡牀暑熾誰能卧
我思上蒼運四時
祁寒暑雨原相佐
冷暖由來有定期
怨咨自是人心過
平情可得避暑方
深屋下簾獨靜坐

讀書樂

周孔未云遠典籍良具陳深造乃有得面墻
終自淪伊余本下學敢忘書史親轉念學海
濶未易窺涯津汲古之修綆貽誚腹笥貧昌
黎讀書篇字字堪書紳况復饒至味好與結
芳隣樂意寓靜觀優游期日新

秋蘭

崇蘭泛清飈婆娑翠帶長采采欲誰贈徘徊
步中堂露彩含莖潤日華映葢黃蜂蝶不知
采古澹含幽光我持金剪刀更攜綠筠筐非
為紉芳佩愛此王者香

投壺

秋風動簾幙曉陰忽開晴中堂聚嘉客投壺
怡我情一中詎云巧三辭禮亦成勝負不相
角新詩還共賡餘韵雜踈籟入耳聲琤琤

著簪吟

韓詩外傳載孔子遊少源之野有婦
人中澤而泣使弟子問焉曰鄉者刈

著薪亡吾著簪弟子曰刈著薪而亡
著簪何悲焉曰非傷亡簪也蓋不忘
故也余讀而有感焉作著簪吟
憶昔妾簪著結褵事夫君和鳴如鼓瑟自卜
將終身妾失著簪日乃在彼中澤良人天一
方誰能覓其迹妾泣亡簪非泣簪可憐郎心
異妾心君不見新衣稱體舊衣捨世間誰泣
亡簪者

擬杜工部東隣棗樹歌

春光晼晚春風斜東隣棗樹方開花大火西
流屆秋日東隣棗樹紛結實開花結實年年
好催得東隣人欲老兒童不解惜流光但愛
秋來飽吃棗西隣有客常著書閉戶不出一
月餘東隣棗亦覺少否不似王吉誇出婦

鬪蟋蟀

百草收芳秋瑟瑟烏衣王孫應候出兒童不
解秋聲淒迤入高堂甕為室甕為室甕為城
屬鋒養銳期相爭甘芻好飲供其腹豪氣凌

秋喙爪速是時晶陽照華屋兩童角勝誰輸
服乘間偶作壁上觀沙場不見戈戟攢當前
勇力先手搏怒氣奮張敵膽寒潤頰修腰振
兩翼牙排利鋸目如墨羽林十二漢家郎蟲
違功高居第一軒髻仰面試長鳴臨敵拏攫
如鷲英草間竊伏堪鄙笑陣前持重功方成
功成破敵立不動應機變化多操縱黃髭鮮
卑見股栗獨身跳免呼伯仲燕然峯上勒勲
功螭螭塞外靖邊烽定州花磁賜湯沐飛將
軍是人中雄須臾角罷兩童起負者蹙眉贏
者喜呼童來前聽我言自古興衰皆若此楚
漢雌雄迹已陳三家鼎峙徒紛紛將軍汗馬
功難並鐘鼎勒字生埃塵獨不見開元天子
宮內宴王妃小賭昭陽殿金籠不啻十家產
萬金之資費一旦又不見咸淳丞相半間堂
翠盆香褥臨秋張但愛山河鬪蠻觸那知六
載圍樊襄由來此物亦有時榮華昔日今安
之浮生誤落汝童手驅之陣戰焉能辭一朝

樂善堂全集定本 卷之十七
偶敗非得已應看再戰出新奇
聆我此言氣始釋梧桐月上天
將夕匡牀靜倚未曾眠更聽
盆中鳴唧唧

樂善堂全集定本卷之十七

古體詩

題唐岱重溪煙靄便面

山容灑迤開屏障前溪後溪遙相望
雨餘煙靄濕未乾流雲不捧青天上
溪流宛轉抱花源
筇舍幾間面青嶂板橋架波通往窄
梵宮結構層巒壯
山水與我有宿緣每遇佳景輒歡暢
名山萬里未曾遊對圖逸想那能忘
唐生當今稱妙筆知我心胸愛清曠
晴窓為我

圖便面淡墨淋漓傳景狀千重林麓抹蒼翠
一片煙雲作供養遠峯近態無不兼樵路疑
聞牧童唱莫辭復為一拈毫添個輕舟雙槳
盪

讀白樂天集

元白夙齊名並號能詩者後來趨向殊品格
別高下以此評其詩我愛香山社况復無繩
削體裁極閑雅吟咏攄性靈後人繼者寡弗
弗紗牖風炎炎朱明夏把玩不能置博山香

細地

擬柳子厚始得西山宴遊詩

佳境天所儲常以供幽客我得遊西山追踪
謝公最高峯挿天漠嵌空疊翠碧其下森萬
山朝拱歸一脉古磴長竒葩靈扃多仙跡得
意亦何有會心聊自適盤桓撫長松清風生
野席

相馬今

知人固非易知己良獨難譬彼駕鹽車太行

阻且屹惜哉騏驥良徒共駑駘餐一朝遇伯
樂三鳴感多端秣甘飲清水節之錦繡鞍西
極崑崙墟東窮渤海漫追風四蹄輕飄飄如
羽翰聊藉酬知音不顧汗血殫伯樂不世出
騏驥空自殘誰憐伏櫪者執策一長嘆

猛虎行

東山無虎獸跡多西山有虎獸跡少白日繞
林鳥雀驚耿耿後逐三子小秋風獵獵原野
平饑腸未飽山中行鹿兒被獲供大嚼老鹿

長逃不敢鳴將軍笑撚鐵絲箭不射虎腰射
虎面可憐三子亦被擒穿裏回來入虎圍虎
圈晨開鐵作門聊憑一息定驚魂乞生也向
人垂首昔日威風今何有

擬桃花源中人送漁郎出源

日長山靜春歸早千樹霞綃纈林表無賴東
風吹落英沿溪為引漁郎道晉代銅駝荆棘
中秦家宮闕埋煙草何緣幾日共盤桓翻知
多少紛爭擾君有家鄉君自歸來路去路兩

香渺送君還復閉洞天洞裏花香春浩浩

擬漁人復至桃花源不復得路

憶昔入桃源萬古仙家趣桑麻滿平疇緜英
纈千樹惜我羈世網未能驂雲霧洞口執手
別殷勤頻屬付重來問仙源歷歷想前度雲
水兩渺茫欲涉迷故路歸來日已西租吏守
門戶烹雞送租吏自愧初心誤

聽鶴鳴

白雲捲遙天澄潦收寒瀨入秋詩思清吟望

中心快何來警露音清越振林外在陰無子
和猿鳴何幽介是時田間雀啄啄羣喧噉兒
童驅不起雜沓殊無賴忽聽九臯鳴清耳如
梵貝會心豈在遠霜風度天籟

芸香

青油隔子屏風曲青簡繽紛三萬軸屈戍不
閉午風涼吹送芸香香馥郁都梁五木不須
焚芝印未結飄幽芬老蠹辭家墮雙淚坐失
書屋三千春可惜三仙未餐罷避舍有似雲

中下

冬夜偶成

人苦冬日短我愛冬夜長皓月懸長空朔風
飄碎霜重簾垂瓊璣紅燭明深堂博山炷水
沉和以梅蕊香敲詩不覺冷漏永夜未央
招搖正指北黑帝方司辰三餘饒樂事華屋
夜如春我屋雖如春廣廈安得均因念雪霜
裏尚多僵卧人展轉不能寐閑敲詩句頻曠
懷天地間人我本相因鴻荒始判初有如一

家親後生蹊徑肥瘠異越秦我願讀書者
立達自其身

烏雀集庭樹啞啞叫風冷無食哺其雛羣棲
嘆夜永豈如青田鶴梳雪毛羽整不用稻粱
資高空盤孤影九臯一聲喚聽者發深省

換燭詞

燄燄瓊枝綻紅萼蘭膏四下玉珠落熏爐甲
煎篆煙消將炆幽光暗錦幙寸心不惜盡成
灰斜倚雕闌玉如削玉鏡臺邊新睡起春蘭

秋菊皆相似獨有幽人悟火傳前燈未滅新
燈是

弔宋末張陸雙忠

千潮樂作檣旗仆蒼天不遺一塊肉海邊拮
据兩孤臣有淚何能向天哭陸公負帝先沉
海張公露祝天心改兩公先後死不同忠肝
凜烈千秋在嗚呼委身事主不兩全竭心成
敗斯由天趙武得生帝昴覆嬰杵當年難獨
賢

遣興

陰凝北陸盛魄淵窮次紀感發曉風寒霜花
拂窓紙偶思弄翰墨排籤列十指一字不能
作閣筆且已已因思寒暑易天道固如此暑
雨與祁寒怨咨豈明理况復陽和近轉眼物
華美譬彼養祖公不出三四耳失者何必愁
得者何必喜我願世間人平等觀如是

擬杜工部洗兵馬行

長雲不隱關山月沙漠龍堆多戍卒壯士橫

戈古戰場將軍飲馬長城窟長城水寒馬不
嘶刀環入夢多歸思少婦樓頭咽橫笛一聲
秋韻臨秋吹吹笛聲高復聲下驚起匡牀高
卧者側身吟望興咨嗟向天長歌洗兵馬謂
天蓋高聽自卑電光倏忽雷車馳雲師兩伯
揚青旗陰昆水族功並施盆傾瓶注遐邇滋
洗盡塵氛永息師男歸其家婦育兒九州安
堵樂雍熙壯士勇力亦奚為欲挽天河安用
之

傳聞

傳聞西師秋大捷露布軍中踵相接零是國
獸爭逃生駭走喙息震且惴

皇清赫濯揚聲靈共球萬國均臣妾何來小
醜擾西北此敗驚心定安貼太平有象當偃
戈喜動中心上眉睫男不戎行罷戍歸春風
四海咸和燮天心仁愛定如是但看明年進
降牒

冰牀

御河臘月層冰凍河干輻輳千人衆往迴爭
欲倩冰牀空設輿梁恒不用細長明鐵當車
輪架雕文木鋪重茵平湖舟駛不驚浪廣陌
車馳那有塵客來不須勞問渡但向河邊鏡
明處隱隱雷聲聽未休坐中疑向瑤臺去

帝京歲暮八詠擬樂府 并序

四時灰琯知玉律無差九有春臺慶
熙朝樂事十二月之佳景妙筆難描
億萬載之休徵金甌永戴况乎天中

旭麗輦下雲屯漢京兆之樓臺綺䟽
繡幕宋汴梁之車馬香霧紅塵萬國
共球望金門而獻歲千方輻輳向玉
闕以輸誠暖帶春風喜椒花之有頌
寒辭冬雪堆柏葉以為盤韶景麗萬
物以蕃鮮猶少蘇家三首芳辭申八
詠而點竄非同王氏七人雖即事以
興懷遜緣情而綺麗不拘成律各賦
一章

臘八粥

臘月初旬纔八日都人醞釀年華出招提蘭
若結常綠竈下火光然百室黍米棗栗雜胡
桃煮粥朝餐如一律如一律異甘旨貧家不
似富家美華屋雕盤肉脩餐茅簷一碗充腸
耳充腸飽腹却勸然人人爭道新年通

祭竈

鄉村臘廿四家家祭竈王城中二十三比戶
燈燭張傳言輦轂百神聚竈君奏事非荒唐

竈君奏事向何方九天之上有玉皇年年此
日竈君升雲旗龍馬宵翔翔且祝家事莫短
長為乞明年安且康我聞作善斯降祥竈君
直奏職所當天君自有定賞罰陰氏由來費
黃羊

立天燈

金龍護柱長數丈四柱撐如巨靈掌綵燈左
右列丹墀萬壽燈明丹陛上年年臘月二十
四縛架懸燈聲擾攘百夫舉柱齊用力一一

都聽銅鑼響燈上聯書細金字惟乞歲歲登
豐穰瑶宮樂事與民同從識太平真有象

貼門神

家家歲底貼門神門前一望景象春將軍鐵
甲逞威力丞相冠帶容彬彬更換桃符粘福
字等閒惡厲不敢親陳陳相因門板上新神
還與舊神鄰神豈隔年舊習俗尚鮮新只願
閭閻躋仁壽常見期頤百歲人

饋歲

刺繡新驚添幾線團團繡得荷包面就中各
盛金豆兒開匣爭看文采絢亦有文房雜珍
玩茗溪紫穎端溪硯易水松煙黑似漆倭牋
蜀紙生東絹紅橘黃柑與鹿兔渴能生液饑
堪饜帝里豪華固如此三元今日人爭羨試
想村中老灌田此景何緣一聞見

供天地

新年淑氣霽百祥虔供天地通萬邦由來帝
里制更詳中宵華燭紛煒煌屏風設列庭中

央盤堆果實羅酒漿主人前跪燒瓣香一年
戶口安且康荷神之德報所當今值除夕歸
帝鄉更迎龍駕錫福長五更曉起未出房迎
喜避鶴擇向方後趨庭院拜玉皇送神爆竹
聲礮礮夙興歡喜謹立旁遙瞻爐煙縹緲光
靄靄天門闢九閭

煇歲

地爐然松枝續續煙縷起暖氣滿戶庭煇歲
今宵是豈云借其煖詎為聞其香但願一家
人和氣致千祥東鄰撥新灰西鄰燒硬炭煙
熏靄如霧自夜達明旦明旦天未明三五燦
踈星賀年人畢至喜氣迎新正松枝不用添
留為今年計彈指又除夕仍復供煇歲

守歲

赴壑修蛇留半尾堂堂去勢誰能止萬戶千
門守歲人守至明朝新歲是今年還是舊年
年倏忽更新萬象鮮人生會有百除夕高堂
且復列華筵華筵開處羅老幼家僮歡喜忙

奔走屠蘇遞飲亞元正少者在前長者後出門看天斗指寅由來一夕變冬春書傭總是為書役繞架更復呼長息

讀陶詩

風雅久失墜三百無人繼斯文蘇李徒權輿成五字子建嗣其音清辭發幽思卓哉彭澤翁別擅此能事自然無安排一以道已意至味寓澹泊字句絕詭異寄情五柳間瀟灑標逸致我今讀公詩數過不能置擬學眉山叟

和咏良匪易

春水泛舟

新流滑笏如油綠柳帶迴溪曲復曲輕舸載我逍遙遊滿眼韶光看不足水清魚靜舟子閒獨下青天白鷗浴

尋春見山桃始開

尋春在何處乃在山之陽曉風吹料峭著體如沾霜遠甸草未綠長堤柳漸黃乍見山桃樹參錯吐花房露顆裒幽馨日暄淡素粧呼

鐘折一枝歸插膽瓶香猶憶去年時九十惜
韶光轉眼春又到此意潭欲忘女夷回造化
遲遲日正長

曉起聞雀聲

簷牙凍雀侵晨語似喚春眠覺行旅昨朝小
園花正開不見飛向枝頭來今日寒郊草未
綠却自成羣上林木曉寒喉澁不成聲何如
且在林中伏

馬上吟詩好

馬上吟詩好即景堪驅用途長詩思長不復
畏炎凍憶在書齋裏一作和者衆雖云足賞
識轉覺苦吟弄何似自歌吟却去安排重亦
有從行者且喜不成誦我得此中味願與識
者共莫學東坡老但欲續殘夢

所見

東皇迴星軺和氣遍六宇應候百昌蘇默默
春風鼓皇州景物饒廣麗洵天府臨風跨紫
騮緩轡過郊墅壟上事春耕停馬問田父小

立汗不乾向我情畢吐去年冬不雪今年春
未雨野老望雲心此意良辛苦清晨負鋤出
努力向日午畝耕次第完下苗何日舉我聞
田父言仰望默不語天心本仁愛自有元功
補甘霖應在即如膏潤沃土佇俟西成時萬
戶倉箱貯

明月當三五流影遍萬方萬方同一照所在
分輝光昨夜出東林映我讀書堂今宵行帳
宿亦復明煌煌人處境地異月不改其常古

來賢達者用貴物我忘

清明重拜掃貴賤良俱然彌望村郊中士女
車馬闐富室羅祭品高堆白紙錢貧者伏路
旁空餘涕淚漣生有榮辱爭沒後迺甚焉何
人能解此便是無為仙試看古墓道亦復犁
為田

我從御園來天桃花半放路過桃花寺遙從
山底望未見一枝開春風疑兩樣春風固如
常前後亦須讓

曉陰

曉看西北雲峯起奴僕感眉主人喜僕言長
路多跋涉雨積塗泥艱步履爰命來前聽我
言若輩徒知自為爾不見辛苦三農望歲賒
此日方資插秧水

過通州浮橋

煙郊濛濛多白沙晨行更值寒風加馬蹄躑
躑不能進回頭迷眩眼欲花却到潞河風日
靜浮橋橫卧波中影南望飛鳧接遠汀何似

江鄉呼舫

灌麥

大麥五寸長小麥三寸半地乾苗欲枯離披
隴畝畔猶幸灌溉便近傍河之岸清晨課僮
僕轆轤轉雙腕初看土濕濕漸覺流漫漫頃
更苗盡起生意良可玩爾僕聽我言莫怨體
流汗不見萬頃田農夫徧澆灌

讀范文正公神道碑用宋陳傅良原咏

韻

入夏南風薰花木圍我廬我廬何所有插架
古人書希文古大臣不與伊葛殊特達圭璋
器心跡天日如今讀神道碑更識為名儒中
庸賴公顯程朱繼其餘廟堂而江湖憂樂與
民俱天章十條陳忠懇豈區區仁宗稱賢主
鄧理亦可期參政僅九月不及大有為徒令
范老子聲名播荒陲

鳩喚雨

我聞鳩喚雨又聞雀呼晴邇來鳩雀爭相鳴

勞勞對語頻入聽窻前柳色正深綠芳郊未
雨遲春耕小雀得意叫不止嗟爾鳩兮胡不
靈

玉帶生歌

玉帶生端人也事文丞相為文墨賓
神工踏雲割寒玉追追琢琢虬盤綠曾為信
國席上珍墨瀋猶疑血淚哭樂作午潮事已
非玉帶生從信國歸海濱戰衄門生散玉帶
生為信國伴嗟爾玉帶生我獨歎爾卓爾皓

深胡為乎却笑褚淵犬不如

雨工

柳毅見涇川婦人牧羊問之曰此非
羊雨工也蓋雷霆之類毅回視之矯
顧怒步飲訖自異見異聞錄

碧潭潭底開珠戶烏龍晝卧當瓊樹神女割
雲補錦裳閒却雨工睡元圃天上人間隔夜
晨一朝還過九十春何日鞭渠令行兩大慰
田間望歲人

陶琴

琴上掛何物亦被琴之名猶然徽軫具而無
疏越聲古來多寶器亡失糞土輕茲琴存十
一特以陶公稱伯牙彈不得穎師奏難成人
皆指上覓我獨虛中聽有絃絃有止無絃絃
外鳴不獨學彭澤自取琴中情

蠅拂子

驅牛不可驅蠅可玉絲霜縷垂婀娜華筵六
月風日炎獨將瀟灑登君坐濯濯駿毛潔且

脩閒供揮拂隨右左王謝家風何足云愛渠
亦復周旋我

簡相如

和氏匣中一匣水十五金城持易此城不歸
趙璧亦歸狼虎強秦亦披靡嗟乎人寶玉寶
豈可同年語相如自知趙二虎秦廷斲蘭趙
如何和璧雖歸藏外府君不見鴻門玉斗應
劍碎子房依舊逡巡退

樂善堂全集定本卷之十八

古體詩

繅絲曲

吳天風軟春光暮吳蠶三眠絲欲吐日上茅
檐火馭遲白絮紅塵夾兩路中婦晨起中心
忙乾桐曉炊付阿香繅車軋軋轉幽澁一年
衣食憑繭腸釜中絲斷愁不斷良人成遠交
河畔

北風圖

我聞古人精藝事繪月有色水有聲更聞繪
風殊妙手庭中六月常清冷筆法墨法超象
外逸氣獨擅箕星精天中候屆遲朱明暑風
拂拂翻可憎陶令北窓不知快列子御行我
未能安得劉哀北風圖懸我高堂之素屏圖
豈有風作卧對能移情我今靜觀圖便掛滿
堂覺有清風生

冰碗

浮瓜沉李堆冰盤晶光雜映琉璃光解衣廣
厦正盤礴冷彩直射雙眸寒雪羅霜簟翻珊
珊坐中似有水壺仙水壺仙人浮邱子朝別
瑤宮午至此古人點石能成金吾今化冰將
作水

拱極城

九重城闕雙丹鳳萬國車書歸禹貢嚮明殿
照鞏金甌百二山川作提封梯陵度索盡拱
極此城獲名獨標衆南過都城十里遙斜日
秋風拂塵鞞策驄城下懷古蹟兒童十言九

不中由來太平久息兵窮黎不聞呼楚痛還
見城頭磨盤石盡是當年防盜用流寇近畿
肆劫掠明代君臣鄒魯闕

皇清受命定遐荒小大共球奉一統弱婦春
深惟飼蠶丁男雨足事耕種堡上健夫夜熄
烽城中秀士朝絃誦禮綱義維被遐邇建極
堅牢逾鐵甕迢遙萬方朝拱人筐篚都由此
城送

松風

繞宅栽蒼松虬枝盤碧蓋濤聲萬壑傳颯颯
引清籟六月不知暑妙境殊可會飄飄葛衫
輕揮霍塵柄快我得松風趣珍重如球貝人
間恐無價持向何方賣

青玉簫

贈君青玉簫薦君玳瑁牀珠簾繞四圍布設
庭中央去去夏云半滿眼秋水光晚雨滌暑
清肌膚生微涼夜靜人未眠撲牖花氣香閒
身藉琅玕曠逸懷瀟湘

王明君

姜紅飛碧春風老琵琶抱出長安道長安北
去達王庭四絃彈破知音少君王不是憐妾
面未晝時應賜一見君王不是憐妾身猶勝
獨閉漢宮春四絃嘈嘈絃絕聲高絕絃續絃
馬上音調青山綠水皆聽取生女應須辭父
母此日穹廬號閼氏不愈老作巫山女

雪浪石

石在定州文廟宋蘇文忠知
定州時所留雪浪齋中物高廣
二尺餘蒼質白理承以石盆有亭覆
之

雪自天上降浪從海面生何時相蒼萃却與
石為名雪浪本非石石以齋名稱如今齋不
見此石猶崢嶸定州廟貌敞左城對右平魏
然踞其間萬古凝堅精不共桑海變稜稜瘦
骨撐誰言承有盆謾說覆有亭須知雪浪齋
亦以木石成尤物貴特立此理不須驚欲喚
眉山老新詩還共賡

騎秋雨

江南謠一夜騎秋雨遍地是黃

兩工騎龍不肯下油油雲陣鋪平野魄淵瞞

人獨三旋今日新秋前日夏江南老翁笠底
笑作農年久知天道但得騎秋甘雨淋今年
遍地是黃金

靜夜吟

玉繩迢迢向西轉長空月上浮雲捲十二時
中秋思多都付幽情作排遣博山吐盡香霧
深螢光點點流踈林空庭萬籟俱闌寂獨有
詩人靜夜吟

唐寅山靜日長圖

我非山中人愛說山中話行遇好山水自覺
中心快豈能長留玩聊且娛眼界山靜日長
圖相傳伯虎畫為愛景物幽持向壁間掛峯
巒翠欲滴樹石紛古怪縛茅為屋宇飛泉流
數派中有常住人看經不行邁伊余勞逸殊
徒此償詩債靜對轉增慙烹茶洗蔥芥

關山月

關山月如彎弓看月不與鄉里同鄉里關山
豈異月關山月下多戍卒怕見清光似鏡明

月明却照沙場骨

權歌行

江南少婦能權歌
權歌一曲凌江波
欲知幽情有幾許
脈脈離愁春水多
春水復秋水蓮花復蓮子
蓮子獨苦心魚書失雙鯉
失雙鯉可奈何
收珠翠疊綺羅
侍郎歸日舞婆娑
郎不歸時空權歌

古意

春老金條脫
塵生玉鏡臺
分明陌頭望
不自

陌頭來

明月入高樓
上有綽約人
只見樓中秋
誰知樓外春

熏爐炷水沉
拜月衣裳冷
拜起步階陰
桂香弄寒影

青青楊柳枝
淡淡和風吹
忽見一枝折
無情復阿誰

神絃曲

瑟瑟鼓娑娑
舞紙錢飄風
神欲下叶神不能

言巫代語推牛剝豚汝莫後叶疾病銷除還
福汝石馬汗流神已回老巫腹飽醜顏開今
日西村病者死明朝更向東村來

秋夕讀高青邱大全集

碧潭秋水清寒山月華白水月兩澄明中有
靜觀客披襟樂容與爽籟生几席偶讀青邱
詩尚友獲莫逆短作紛珠璣長歌憂金石不
事追琢巧渾渾含光澤伊余豈能詩對此仰
高格撫卷吟寒空中心聊自適

蘆白花

蘆白花狎洲渚一片蒼茫迷處所翻風著意
作金聲坐中有客懷秋緒懷秋緒逸興賒渚
邊獨立弄蘆葭逢春戟戟且得意秋老煙波
君莫嗟

壯士行

生肉亦能噉悲筑亦能擊不學三軍師只學
萬人敵

少小長幽州生憎繞指柔今朝受君惠明日

報君讐

易水送荆卿秋風拉瑟聲一去不復返吐哉
壯士行

織錦詞

睡鴨盤盤翠雲吐漏添細把丁東數鳳梭千
擲素腕疲寸錦難成愁不語明明寒月照流
黃三日一匹臨秋張并刀象尺分明度莫教
裁破雙鴛鴦裁破鴛鴦作春被惆悵空幃獨
徙倚年年織錦却徒勞良人遠道寒無袍

灌園

種樹圍小園種菜數畝餘綠畦足野趣且復
得嘉蔬春風千頃浪秋雨一犁鋤四時供盤
餐青青藿與茹今朝柳陰下課僮轉轆轤吸
彼井華水灌我珠玉畝芳坂潤新綠勃然生
意舒自饒塵外味何必山中居

虞美人曲

露泠泠濕啼眼空憶帳中歡幽情不能縮芳
心全是恨心抽烏江江水至今流至今流非

漢土虞美人今猶楚舞

弔孟厲

孔悝之難子路死於石乞孟厲後乞
奔楚厲在衛子路之子仲子崔以復
仇請於夫子子曰行矣子崔遂入衛
使人告於孟孟曰君子不乘人於闇
明日戰於西郊蒲弓木矢以往死焉
蓋傷子路之賢而成子崔之孝也事
見金管集

古有俠烈者輕生等弁髦嗟哉彼孟厲乃以
義為高心傷戕善良大讐不可逃捐軀執蒲
弓舍命齒霜刀由也非合道孟也豈行超委
贖贖輒間已是附猿狖君子慎所事生死如
雲霄

李夫人歌

夜風吹開琅璫鎖繡房燈暗蘭膏火分明記
得擁衾時是耶非耶帳中坐翩珊珊來何遲
死憐更比生憐癡金雞鳴鳴月如練相見何

如不相見

題高其佩指頭畫八駿圖

首着平川數十里幾株楊柳秋風裏兩駒並
馳若驚鴻一匹斲草間且喜卧者有二立者
一老馬磨癢如龍視就中紫駟獨稱神滾地
煙塵幅上起奚官無事但立望兩人容與踈
林底古人畫馬用秋毫鐵嶺老人用十指腕
下生風何足云指頭隨意傳神髓懸之高堂
秋意多哂余興在南海子

秋夜詞

桂風吹送西陽疾海風吹送冰輪出千山暮
色轉蒼蒼清絕蟲聲上瑤瑟睡鴨香凝暖霧
深更長夜靜涼生衾羅帷銷光霜簟老忽驚
淒切鳴寒砧零露溥溥白於水池邊曉看芙
蓉紫

讀申屠蟠傳

多士清流太皎皎由來尾大難為掉漢綱陵
夷何足云言高致袖不為少飄然惟有申屠

生狝鶴盤空絕羣鳥林下鴻名播士林逸氣
凌凌光日表嗚呼邪正原不容薰蕕臭味豈
同道宋室洛蜀標名字室中操刃相攻討金
人三歛實可師處士橫議身難保梁碭春深
山水間鈞黨吏不尋門考非但容身叔世間
中庸品行誰能紹

謝人送墨

但徠老松辭山阿元霜夜搗萬杵多丸成渾
似懸壁月硯池鼓浪騰風波古來作者難屈

指前朝潘生近曹氏嗟君此墨從何得錦囊
贈我先生几秋風颯颯透書帷霞牋未拂舍
淋漓此物宜歸青玉案勒文竹石垂無涯太
學碑前紀功德燕然峯畔標鴻績不然臺中
草諫章直令萬里流王澤何來高齋供染毫
吟詩獨自裁風騷從來所寶慎所用珍重還
欲方瓊瑤

美人磨鏡圖

阿嬌階下燒銀水瘦玉春慵日晏起夢醒芳

情却惘然纖纖手把芙蓉洗壁月光沉鷹影
破畫眉插鬢誰為佐欲擬磨成舊樣明照出
新愁更無那

鷗捕魚

蘆花叢裏風獵獵秋浦波寒人鮮沙雙鷗飛
下浴澄明饑腸未飽波上行却顧波中探長
嘴銜得遊魚出深水幾番吞吐恣果腹魚何
苦兮鷗何喜爾鷗爾鷗喜莫亟江邊有人施
矰弋

倒掛

畫欄翠柱春宮曉顧影憐思異凡鳥綠衣倒
舞不曾翻只如能言秦吉了蟬鬢新梳短夢
闌手握香稻添朝餐更呼小鳳聽分付閒言
莫向人前訴

牧牛詞題馬賁畫

老牛角彎環小牛角繭粟歲初祭耒罷村村
驅犢出東坡草半芽西坡草未長草乏牛苦
饑牧兒愁惘惘不是愛憐牛南畝功正稠牛

肥好耕種黍苗青
油油獲黍輸官租
莫漫償私債
官租苟不足
還將此牛賣

班婕妤

婕妤辭輦後
廢處長信宮
蓋古貞女之流
唐人諸作率比之怨女思婦
夫憂愁幽思則有之
而借問承恩者
雙蛾幾許長
又何以云乎

深宮人靜秋英馥
永巷遙連三十六
昭陽絲管風送聞
且喜君王歡意足
妾居長信猶金
門妾生一日皆君恩
君王安樂妾願畢
區區辭輦安足論
千秋萬歲長如此
莫中披香博士言

戲擬禽言

提壺盧提壺
盧提壺遠向村南沽
快哉快哉提壺去來

婆餅焦焦婆餅
婆去餉孫村路永
田中稻苗新發
穎秋成有食好光
景爾莫憂婆焦餅
郭公郭公山中
樹中一朝西北來
金風徘徊

雙喜堂全集卷一
四顧家室空身寒腹饑叫不止生不如杜鵑
死

泥滑滑雨淋漓行不得中夜啼我在枝頭猶
自可道路難時須憶我

得過且過得過且過有身不愁室家破日頭
出來枝上坐得過且過

布穀布穀風和日暖春水綠趁時耕作應須
速汝莫學富家翁晏起早眠食肥肉

